



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 415
fax. +387 33 726 414
e – mail: info@voda.ba

Broj: **UP-1/21-3-40-560-11/21**

Datum: 10.06.2022. godine

«Agencija za vodno područje rijeke Save» Sarajevo rješavajući po zahtjevu podnesenom od strane pravnog lica „SANIČKA PASTRMKA” d.o.o. Ključ za izdavanje vodne dozvole za zahvatanje i korištenje površinskih voda iz rijeke Korčanice i ispuštanje tehnoloških otpadnih voda iz objekata za proizvodnju i uzgoj riječne ribe i riblje mladi u rijeku Korčanicu sa lokaliteta ribnjaka „Sanička pastrmka”, u naselju Sanica, općina Ključ, na osnovu člana 139. stav (1) tačka 1. i 3., Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», br. 2/98 i 49/98), donosi

RJEŠENJE **o vodnoj dozvoli**

1. Podnosiocu zahtjeva, pravnom licu „SANIČKA PASTRMKA” d.o.o. Ključ daje se vodna dozvola za zahvatanje i korištenje površinskih voda iz rijeke Korčanice i ispuštanje tehnoloških otpadnih voda iz objekata za proizvodnju i uzgoj riječne ribe i riblje mladi na lokaciji ribnjaka „Sanička pastrmka” u rijeku Korčanicu, izgrađenim na zemljištu označenom kao k.č. 239, 240 i 241 k.o. Prisjeka Donja.
2. Ova vodna dozvola se odnosi na zahvatanje površinskih voda kao i na ispuštanje tehnoloških otpadnih voda iz objekta ribnjaka u prijemnik iz koga je voda zahvaćena - rijeku Korčanicu. Investitor, „Sanička Pastrmka” d.o.o. Ključ se ne oslobađa obaveze pribavljanja vodne dozvole za priključak na javni vodovodni sistem i ispuštanje sanitarnih otpadnih voda iz administrativno - upravnog objekta za čije izdavanje je nadležno Ministarstvo poljoprivrede, vodoprivrede i šumarstva Unsko-sanskog kantona u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja i pod slijedećim uslovima:
 - 3.1. Investitor treba da u cilju kontrole i evidencije količina zahvaćene vode i obezbjeđenja ekološki prihvatljiva protoka izvrši postavljanje vodomjerne letve na vodozahvatu, uspostavljanje sistema svakodnevne kontrole i evidencije nivoa vode te regulisanje nivoa i položaja zatvarača na dovodnom kanalu u cilju osiguranja minimalnog proticaja od 500 l/s u rijeci Korčanici. Ovaj minimalni proticaj će se uskladiti i ponovo proračunati u skladu sa Pravilnikom o načinu utvrđivanja ekološki prihvatljivog protoka („Službene novine Federacije BiH”, broj 4/13 i 56/16).

Vodomjerna letva mora biti dovoljne dužine kako bi se mjerenjem mogle obuhvatiti i pojave velikih voda. To će omogućiti trenutno očitavanje količina zahvaćenih voda, ali i voda koje preostaju u vodotoku rijeke Korčanice. Evidenciju o mjerenjima vodostaja vršiti na dnevnoj bazi u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine novine Federacije BiH” br. 83/08).
 - 3.2. Da korisnik vodnog objekta ugradi mjerač protoka u cilju prikaza trenutnog i kumulativnog protoka, odnosno mjerenja zahvaćenih količina vode.
 - 3.3. Korisnik predmetnog objekta je obavezan da u koritu rijeke Korčanice u periodu malih voda obezbijedi minimalan proticaj od 0,5 m³/s kao biološki minimum, a ova vrijednost može biti korigirana nakon izrade Elaborata o određivanju ekološki prihvatljivog protoka rijeke Korčanice na profilu nizvodno od zahvata.
 - 3.4. Da u skladu sa Pravilnikom o načinu utvrđivanja ekološki prihvatljivog protoka podnosilac zahtjeva, u vrijeme važenja ove dozvole, uradi Elaborat o određivanju ekološki prihvatljivog protoka rijeke Korčanice na profilu nizvodno od zahvata, a sve u cilju određivanja minimalnih količina vode koje moraju proći u koritu rijeke Korčanice, nakon zahvata vode za potrebe ribnjaka.
 - 3.5. Korisniku se odobrava zahvatanje vode za potrebe protočnog ribnjaka u količini propisanoj Odlukom o dodjeli koncesije privrednom društvu „Sanička pastrmka” d.o.o. Sanica – Ključ („Službeni glasnik US kantona” br. 19/2016) i uz obavezu da se trebaju zahvatiti i manje

- količine u periodu kada može biti ugrožena količina vode potrebna za obezbjeđenje minimuma u koritu rijeke Korčanice.
- 3.6. Vlasnik, odnosno korisnik ovog objekta treba da prije ispuštanja tehnoloških otpadnih voda u vodotok rijeke Korčanice zadovolji uslove za ispuštanje u površinske vode u skladu sa Uredbom o uslovima ispuštanja otpadnih voda u prirodne recipijente i sisteme javne kanalizacije („Sl. novine FBiH“ br. 26/20 i 96/20). - Prilog 1, Tabela 1.1., kolona 3.
Posebnu pažnju posvetiti ispuštanju voda prilikom čišćenja bazena vodeći računa da i u tom slučaju kvalitet ispuštenih voda zadovoljava kriterijume gore pomenute Uredbe.
 - 3.7. Da se opasni materijal i otpad, koji nastaje na predmetnom lokalitetu, ne smije ni privremeno odlagati na česticu «vodno dobro», prostoru zaštitnih zona izvorišta vode za piće, odnosno u vodotok i na njegove obale.
 - 3.8. Budući se radi o protočnom ribnjaku količina vode na ispustu je jednaka zahvaćenoj količini vode. Za zaštitu od povratnog toka voda rijeke Sanice, u koju se neposredno nizvodno ulijeva rijeka Korčanica, na izlaznom cjevovodu ugraditi žablji poklopac ukoliko to bude potrebno.
 - 3.9. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije.
 - 3.10. Za potrebe uzgoja ribe koristiti ekološki zdravu riblju hranu u optimalnim količinama i na optimalan način ishrane.
 - 3.11. Da se redovno vrši monitoring prečišćene oborinske onečišćene vode iz okna za monitoring shodno članu 19. do 24. Uredbe o uslovima ispuštanja otpadnih voda u okoliš i sisteme javne kanalizacije te pojedinačne i zbirne godišnje izvještaje dostavi Agenciji u skladu sa članom 23. iste Uredbe.
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).
 - 3.12. Da se uradi projekt izvedenog stanja te ishoduje izmjena i dopuna građevinske dozvole za ribogojilište „Sanička pastrmka“ i ista uskladi sa stanjem na terenu, odnosno promjenama koje su se desile tokom izgradnje novih objekata (mrijestilište, sportsko ribolovni bazen, i slično), ako i činjenice da su pojedini objekti i/ili dijelovi objekata izgrađeni izvan odobrenjem za građenje navedenih katastarskih čestica.
 - 3.13. Da se nakon ishodovanja građevinske dozvole na izvedeno stanje pribavi i odobrenje za upotrebu izgrađenih objekata na predmetoj lokaciji.
4. Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce za plaćanje PVN-a za zaštitu voda (Obrazac UKR) i PVN-a za korištenje površinskih i podzemnih voda za uzgajanje ribe.
Korisnik je dužan uredno vršiti plaćanje vodnih naknada i po osnovu zahvaćenih količina vode shodno članu 170 stav (1). tačka 1. alineja 4. Zakonu o vodama, kao i po osnovu naknada za zaštitu voda koja se obračunava na osnovu kilograma proizvedene ribe, shodno članu 170 stav (1) tačka 3. alineja 3. istog Zakona, a u skladu sa Pravilnikom o sadržaju i načinu vođenja evidencije i dostavljanju podataka o količinama zahvaćene vode („Sl. novine Federacija BiH“ br. 53/08).
 - 4.1 Vlasnik će plaćanje vodne naknade za iskorištavanje vode vršiti na osnovu utvrđene količine vode koju zahvata. Podatke o zahvaćenim količinama vode korisnik je dužan dostavljati u formi mjesečnog izvještaja na obrascu „ZV“ «Agenciji za vodno područje rijeke Save» Sarajevo u skladu sa tačkom II podtačka 4. Odluka o visini posebnih vodnih naknada („Sl. novine Federacije BiH“ 46/07) odnosno u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj: 92/07, 46/09, 79/11, 88/12 i 03/16).
 - 4.2 Posebnu vodnu naknadu za zaštitu voda korisnik će plaćati na osnovicu koji čini kilogram proizvedene ribe, o čemu je obavezan dostavljati mjesečni izvještaj ovoj Agenciji. Odluka o visini posebnih vodnih naknada svojim članom IV definiše visinu ove vrste naknada.
 5. U periodu važenja ove dozvole, korisnik „SANIČKA PASTRMKA“ d.o.o. Ključ je dužan provoditi sve mjere i aktivnosti propisane ovom dozvolom.
 6. Ukoliko radom predmetnog poslovnog objekta koji uključuje i aktivnost zahvatanja voda i aktivnost ispuštanje otpadnih voda u recipijent, dođe do šteta ma kakvog karaktera, Investitor je dužan uzroke

- nastalih šteta otkloniti, a nastale štete trećim licima nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 9. Ova vodna dozvola, shodno članu 26. stav (1) Uredbe o ispuštanju otpadnih voda u okoliš i sisteme javne kanalizacije se daje sa rokom važenja do 19.12.2023. godine.
 10. Ova vodna dozvola prestaje da važi ukoliko Investitor ne ispunji u zadanim rokovima zahtjeve definisane tačkom 3. ovog rješenja.
 11. Prije isteka važnosti ove dozvole, korisnik predmetnog objekta je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. i/ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
 13. Uslov za izdavanje nove vodne dozvole je ispunjenje uslova iz dispozitiva ovog Rješenja i ako se ne izvrše radovi predviđeni ovim vodnim aktom, produženje vodnog akta istekom važnosti ovog rješenja neće biti moguće.

Obrazloženje

Pravno lice „SANIČKA PASTRMKA“ d.o.o. Ključ dana 20.11.2021. godine obratilo se ovoj Agenciji sa zahtjevom za izdavanje vodne dozvole za korištenje voda za proizvodnju i uzgoj riječne ribe i riblje mlađi na ribnjaku „Korčanica“ i ispuštanje otpadnih voda iz objekta ribnjaka. Uz zahtjev je priložena kopija Projekta izvedenog stanja ribnjaka „SANIČKA PASTRMKA“ za potrebe izdavanja vodne saglasnosti, urađen od strane Zavoda za vodoprivredu d.d. Sarajevo pod brojem ZZV-HP-ST-398-01, februara/veljače 2010. godine, u Sarajevu te uplaćena upravna pristojba.

Uz zahtjev je dostavljena i slijedeća dokumentacija:

- Kopija naloga za plaćanje upravne pristojbe,
- Ovjerena kopija rješenja o upisu subjekta upisa u sudski registar; izdano od strane Općinskog suda Bihać pod brojem 017-O-Reg-06-001 129, dana 19.09.2006. godine,
- Ovjerena kopija Rješenja o izmjenama podataka; izdano od strane Općinskog suda u Bihaću pod brojem 017-O-Reg-18-000596, dana 03.09.2008. godine,
- Ovjerena kopija rješenja o vodnoj saglasnosti, kojim se investitoru „Sanička pastrmka“ d.o.o. Sanica – Ključ izdaje vodna saglasnost za zahvatanje i korištenje vode iz rijeke Korčаницe za potrebe ribnjaka, kod Gornje Sanice, za uzgoj pastrmke i ispuštanje voda iz ovih objekata u r. Korčanicu, u postupku pribavljanja odobrenja za građenje; izdano od strane Agencije za vodno područje rijeke Save Sarajevo pod brojem UP-I/25-2-40-092-2/10, dana 08.03.2010. godine, u Sarajevu,
- Ovjerena kopija Rješenja o vodnoj dozvoli, kojim se investitoru „Sanička pastrmka“ d.o.o. Sanica – Ključ, kao korisniku, daje vodna dozvola za zahvatanje i korištenje površinskih voda za potrebe uzgoja ribe pastrmke u ribnjaku Gornja Sanica, kao i ispuštanje otpadnih voda iz objekta ribnjaka u prijemnik, u postupku pribavljanja upotrebne dozvole za objekat; izdano od strane Agencije za vodno područje rijeke Save Sarajevo pod brojem UP-I/25-3-40-137-4/11, dana 16.05.2011. godine,
- Ovjerena kopija Odluke o davanju saglasnosti za dodjelu koncesije; data od strane Općinskog vijeća općine Ključ na XIX sjednici održanoj dana 29.05.2014. godine pod brojem 05-02-1413/14, dana 03.06.2014. godine, u Ključu,
- Ovjerena kopija rješenja kojim se utvrđuje da ribogojilište, rastilište, matičnjak za uzgoj i proizvodnju potočne i kalifornijske pastrmke, po zahtjevu „SANIČKA PASTRMKA“ d.o.o., na lokaciji Ul. Bajre Čomića b.b. Sanica, Općina Ključ, u pogledu izgradnje, tehničkog uređenja, opreme, prostora, kadra, načina rada i higijene ispunjava minimum propisanih veterinarsko-zdravstvenih uvjeta za obavljanje navedene djelatnosti; izdano od strane Ministarstva poljoprivrede, vodoprivrede i šumarstva Unsko-sanskog kantona pod brojem 08-24-16382-UP-1/2014(5), dana 23.01.2015. godine, u Bihaću,
- Ovjerena kopija rješenja, kojim se utvrđuje da objekat ribogojilište-bazen rastilište matičnjak DOO SANIČKA PASTRMKA, Ul. Bajre Čomića b.b. Sanica, općina Ključ u pogledu izgradnje, opreme, načina rada, tehničkog uređenja, samokontrole, zoohigijene i stručnog kadra, udovoljava veterinarsko-zdravstvenim uvjetima za uzgoj i proizvodnju potočne pastrmke (*Salmo*

trutta m.fario) i kalifornijske pastrmke (*Oncorhynchus mykiss*); izdano od strane Ministarstva poljoprivrede, vodoprivrede i šumarstva Unsko-sanskog kantona pod brojem 08-24-16508-UP-1/12 (5), dana 05.12.2012. godine, u Bihaću,

- Ovjerenja kopija odobrenja za građenje, kojim se odobrava investitoru Džafić Esadu iz Sanice, općina Ključ, zadržavanje do sada izvedenih radova i nastavak građenja pastrmskog ribogojilišta u Sanici na lokaciji desnoj, istočnoj strani rijeke Korčanica između kota 265 – 260 m n.m na zemljištu označenom kao k.č. broj 239, 240 i 241, upisano u ZKU 15, K.O. Prisjeka Donja, vlasništvo Džafić (Esada) Esada sa dijelom 1/1; izdano od strane Službe za prostorno uređenje, stambeno – komunalne, imovinsko – pravne i geodetske poslove i katastar nekretnina Općine Ključ pod brojem 03-23-2-335/10, dana 02.08.2010. godine, u Ključu,
- Ovjerenja kopija Zemljišnoknjižnog izvotka, BROJ: 022-0-NAR-21-005 757, Zemljišnoknjižni uložak broj: 366, Katastarska općina: PRISJEKA DONJA; izdan od strane Zemljišnoknjižnog ureda Općinskog suda u Sanskom Mostu dana 18.11.2021. godine,
- Ovjerenja kopija Obavještenja o razvrstavanju pravnog lica prema klasifikaciji djelatnosti; izdano od strane Službe za statistiku za područje Unsko-sanskog kantona Federalnog zavoda za statistiku Sarajevo pod brojem 07-32.5-8145/11, dana 16.12.2011. godine,
- Ovjerenja kopija Uvjerenja o poreznoj registraciji; izdano od strane Federalnog ministarstva finansija – financija, Porezne uprave Federacije BiH, Kantonalnog poreznog ureda BIHAĆ, dana 28.11.2011. godine,
- Molba za prolongiranje dopune podneska zahtjeva, broj: 07-1/2021 od 29.12.2021. godine,
- Službena zabilješka broj: UP-1/21-3-40-560-5/21 od 07.03.2021. godine,
- Kopija Projekta izvedenog stanja ribnjaka „SANIČKA PASTRKA“ za potrebe izdavanja vodne saglasnosti; urađen od strane Zavoda za vodoprivredu d.d. Sarajevo pod brojem ZZV-HP-ST-398-01, februara/veljače 2010. godine, u Sarajevu,
- Kopija rješenja, kojim se utvrđuje da objekat ribogojilište-bazen rastilište matičnjak DOO SANIČKA PASTRMKA, Ul. Bajre Čomića b.b. Sanica, općina Ključ u pogledu izgradnje, opreme, načina rada, tehničkog uređenja, samokontrole, zoohigijene i stručnog kadra, udovoljava veterinarsko-zdravstvenim uvjetima za uzgoj i proizvodnju potočne pastrmke (*Salmo trutta m.fario*) i kalifornijske pastrmke (*Oncorhynchus mykiss*); izdano od strane Ministarstva poljoprivrede, vodoprivrede i šumarstva Unsko-sanskog kantona pod brojem 08-24-16157-UP-1/2011 (4), dana 01.11.2011. godine, u Bihaću,
- Izvještaj o ispitivanju otpadne vode; urađen od strane Ispitne laboratorije Instituta za hemijsko inženjerstvo d.o.o. Tuzla pod brojem 11-01/22, dana 10.01.2022. godine,
- Opći akt o održavanju, korištenju i promatranju vodnih objekata ribnjaka „SANIČKA PASTRMKA“ Sanica – Ključ; urađen od strane Zavoda za vodoprivredu d.d. Sarajevo marta 2022. godine, u Sarajevu,
- Kopija Ugovora o koncesiji o korištenju vode rijeke Korčanice za uzgoj plemenitih vrsta ribe u ribogojilištu „Sanička pastrmka“, zaključen sa koncesorom – Ministarstvo poljoprivrede, vodoprivrede i šumarstva Unsko-sanskog kantona pod brojem 18/2-25-14916-1/16, dana 07.12.2016. godine, odnosno brojem 1-12/16, u Bihaću,
- Zaključak o visini i roku za plaćanje posebnih troškova broj UP-1/21-3-40-560-9/21, dana 18.04.2022. godine te kopija naloga za plaćanje istih,
- Upit o plaćanju PVN-a te odgovor na isti.

Nakon pregleda dostavljene dokumentacije, u skladu sa članom 12. stav (5) Pravilnika o sadržaju, obliku, uvjetima, i načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak predmetnog poslovnog objekta i tom prilikom je sačinjen zapisnik o uviđaju broj: UP-1/21-3-40-560-11/21 od 18.05.2022. godine.

Objekti ribogojilišta se nalaze na desnoj obali rijeke Korčanice. Za zaštitu od uticaja velikih voda izgrađen je zaštitni zemljani nasip između objekata ribnjaka i vodotoka. Ribogojilište se sastoji od: vodozahvatne građevine sa pragom u koritu rijeke i tablastim zatvaračem za regulaciju dozvoljene količine zahvaćene vode, dovodnog kanala zahvaćene količine vode 83 x 65 cm dužine cca 230 metara, objekta taložnice za poboljšanje kvaliteta vode prije mrijestilišta, bazena za uzgoj ribe gabarita 19,95 x 23,20 cm podijeljen na 8 dijelova, objekta sportsko ribolovnog bazena sa 4 zasebna bazena, sabirnog kanala, odvodnog kanala sa izljevnom građevinom te zemljanog izljevno kanala do korita rijeke Korčanice, objekta skladišta hrane sa upravnim i sanitarnim prostorijama, nasipa za zaštitu objekata od plavljenja vodama ranga pojave 1/100 godina te internih saobraćajnih i zelenih površina.

Preliv iz sportsko ribolovnog bazena je izveden u odvodni kanal te preko ispusne građevine se izliva u otvoreni odvodni kanal, posredno u korito rijeke Korčanice. U trenutku vršenja uviđaja voda je tekla koritom rijeke Korčanice te zahvaćena količina vode nije znatnije uticala na protok vode u riječnom

koritu. Potrebno je instalirati odgovarajući mjerač protoka za zahvaćenu količinu vode. Trenutno se proizvodnja ribe kreće u vrijednosti od oko 100 t ribe/godišnje.

Na osnovu izvršenog uviđaja na licu mjesta i raspoložive dokumentacije, konstatovano je da ne postoje smetnje da se korisniku izda tražena dozvola uz obavezu da vrši redovno plaćanje posebnih vodnih naknada za korištenje voda (osnovica m³ zahvaćene vode) i za zaštitu voda (osnovica je proizvedena količina ribe u kilogramima) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, dio III Posebne vodne naknade tačke 7 i 13. Korisnik je dužan da vrši monitoring kvalitativno – kvantitativnih karakteristika ispuštenih voda kao i da u periodu kada to hidrološki uvjeti zahtijevaju, u koritu vodotoka obezbjedi hidrološki minimum, što je uslov definisan tačkama 3.1., 3.3. i 3.4. rješenja.

Od strane Službe za prikupljanje prihoda od vodnih naknada je dobijena potvrda da korisnik predmetnog objekta redovito izvršava obaveze plaćanja posebnih vodnih naknada.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su, u dispozitivu rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog. Na osnovu provedenog postupka i utvrđenog činjeničnog stanja, doneseno je rješenje kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno, pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata

Haris Ališehović
Haris Ališehović, dipl. inž. građ.

Dostavljeno:

- „SANIČKA PASTRMKA“ d.o.o. Ključ, Ismeta Selmana – Ćose bb, 79 285 Sanica Gornja
- ISV – Vodna knjiga
- Sektor 50
- Sektor 40 Arhiva
- Oglasna ploča - AVP Sava